

N 775

09.04.2024

**ՀՀ առողջապահության նախարարության կարիքների համար հայտարարված  
ՀՀ ԱՆ ԷԱՃԱՊԶԲ-2024/39 ծածկագրով էլեկտրոնային աճուրդի  
գնահատող հանձնաժողովին**

**«Մ.Լ.Ն. Ֆարմ» ՍՊԸ-ի տնօրեն Հ.Վասիլյանից**  
Հասցե (գտնվելու վայրի)՝ ՀՀ, ք. Երևան, Մարյան 24  
Հասցե (ծանուցման)՝ ՀՀ, ք. Երևան, Մաշտոցի պող. 22, տարածք 39  
Հեռ: (+374) 10-52-90-72  
Էլ.փոստ՝ [info@mlnpharm.am](mailto:info@mlnpharm.am)

**Հարգելի՛ գնահատող հանձնաժողով,**

ՀՀ առողջապահության նախարարության կողմից վերջինս կարիքների համար հայտարարվել է ՀՀ ԱՆ ԷԱՃԱՊԶԲ-2024/39 ծածկագրով էլեկտրոնային աճուրդ, որին մասնակցության հայտ է ներկայացրել նաև «Մ.Լ.Ն. Ֆարմ» ՍՊԸ-ն:

08.04.2024թ. գնահատող հանձնաժողովի կողմից ստացել ենք ծանուցում, որում մասնավորապես նշվել է հետևյալը.

Հարգելի Մ.Լ.Ն. Ֆարմ ՍՊԸ,

Դուք դիմել եք ՀՀ ԱՆ ԷԱՃԱՊԶԲ-2024/39 ծածկագրով էլեկտրոնային աճուրդին: Էլեկտրոնային աճուրդի գնահատող հանձնաժողովը ուսումնասիրել է էլեկտրոնային աճուրդի մասնակցության Ձեր Դիմում-Հայտարարությունը, որում նկատվել են հետևյալ թերությունները. Հարգելի մասնակից: Ուսումնասիրելով Ձեր կողմից ներկայացված ապրանքի ամբողջական նկարագիրը, մասնավորապես դեղի առաջարկված տարբեր ապրանքային նշանները, ինչպես նաև դեկլարվելով Առողջապահության նախարարության մանկական ներգատաբանության գծով խորհրդատուի կարծիքով՝ (Հարգելի տիկին Հարություն! ?ունյան, իմ պատասժիսան Ձեր հարցմանը տեղեկացնում եմ, որ ամբողջ աշխարհում, ինչպես նաև Հայաստանում, երկար տարիների ընթացքում մեծ փորձ է կուտակվել ինսուլինի երկարատև ազդեցության անալոգների օգտագործման հարցում, ինչպիսիք են Lantus (glargine), Abazaglar (glargine), Tresiba (deglutek): Ինչ

վերաբերում է Levemir (detemir) ինսուլինի անալոգին, ապա, էլնելով դրա ազդեցության տևողությունից, այն պետք է պարտադիր ներարկվի օրական երկու անգամ, ինչը կստեղծի որոշակի անհարմարություններ օգտագործման մեջ, այս առումով նախընտրելի է գնել երկարատև գործող ինսուլինային անալոգներ, որոնք գործում են! 24 ժամ (Glargine) կամ ավելի քան 42 ժամ (deglutec) Ինչ վերաբերում է բիոսիմիլյար Semglee-ին (Glargine), ապա այն ամբողջ աշխարհում օգտագործման փոքր փորձ ունեցող նոր դեղամիջոց է: Կարծում եմ, որ Հայաստանում օգտագործելուց առաջ անհրաժեշտ է սպասել այս նոր ինսուլինի օգտագործման համաշխարհային փորձի կուտակմանը: ՆՀարգանքով՝ ՆԵլենա Աղաջանովա) Ն առաջարկվում է վերանայել Ձեր առաջարկը «Միմզի» ապրանքային նշանի մասով: Առաջարկում ենք գնումների մասին ՀՀ օրենսդրությամբ սահմանված ժամկետում շտկել նշված անհամապատասխանությունները և ուղղված Դիմում-Հայտարարությունն ուղարկել համակարգի միջոցով:

Վերոնշյալի վերաբերյալ հայտնում ենք հետևյալը.

«Գնումների մասին» ՀՀ օրենքի 34-րդ հոդվածի 1-ին մասի համաձայն՝ Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 04.05.2017թ. թիվ 526-Ն որոշման մեջ փոփոխություններ և լրացումներ կատարելու մասին ՀՀ կառավարության 2 մայիսի 2019 թվականի N 516-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 41-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է

մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Եթե անհամապատասխանությունն արձանագրվել է ՀՀ պետական եկամուտների կոմիտեից ստացված տեղեկատվության հիման վրա, ապա մասնակցին ուղարկվող ծանուցմանը կցվում է նաև կոմիտեից ստացված տեղեկատվության բնօրինակից սկանավորված տարբերակը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:


Հաշվի առնելով վերոգրյալը, հայտնում ենք, որ ներկայացված հայտում ձեր կողմից չի արձանագրվել ոչ մի անհամապատասխանություն Հրավերի պահանջների նկատմամբ՝ համենայն դեպս այդպիսի փաստ չի նշվել կամ վկայակոչվել:

Հաշվի առնելով վերոգրյալը՝ փաստում ենք, որ ձեր կողմից պահանջված շտկումը իրավաչափ չէ և հակասում է «Գնումների մասին» ՀՀ օրենքի 34-րդ հոդվածի 1-ին և «Գնումների գործընթացի կազմակերպման» կարգի 41-րդ կետի պահանջներին:

Հայտնում ենք, որ չենք կարող վերանայել «Միմգլի» ապրանքային նշանի մասով մեր կողմից ներկայացված առաջարկը, քանի որ այն ամբողջությամբ համապատասխանում է աճուրդի Հրավերի պահանջներին:

Կից ներկայացվում է «Ակադեմիկոս Էմիլ Գաբրիելյանի անվան դեղերի և բժշկական տեխնոլոգիաների փորձագիտական կենտրոն» ՓԲԸ-ի կողմից տրված տեղեկանքը:

Հարգանքով՝

«Մ.Լ.Ն. Ֆարմ» ՍՊԸ-ի տնօրեն՝  Հարություն Վասիլյան

09.04.2024թ.



Կոմիտաս պող. 49/5, Երևան 0051, Հայաստան  
пр. Комитаса 49/5, Ереван 0051, Армения  
49/5 Komitas aven., Yerevan 0051, Armenia



Tel.: (+374 60) 83-00-73, (+374 10) 23-16-82, 23-08-96  
E-mail: admin@pharm.am  
Web: www.pharm.am

01/1359-24  
20.03.2024

## Տեղեկանք

Հայաստանի Հանրապետության կառավարության որոշմամբ սահմանված միջազգային մասնագիտական կազմակերպությունների անդամ երկրում գրանցված լինելու կամ Առողջապահության համաշխարհային կազմակերպության նախաորակավորում ունենալու մասին

ՄԼՆ Ֆարմ ՍՊԸ-ի կողմից ներկայացված **Սիմգլի 100ԱՄ/մլ լուծույթ ներարկման նախալցված գրչում 3մլ** (ինսուլին գլարգին) (Semglee 100 units/ml solution for injection in pre-filled pen 3ml) (insulin glargine) դեղը (գրանցման հավաստագրի իրավատեր՝ Biosimilar Collaborations Ireland Limited Unit 35/36 Grange Parade, Baldoyle Industrial Estate, Dublin 13 DUBLIN Ireland D13 R20R) **ունի ԵՄ կենտրոնացված ընթացակարգով գրանցում**, տեղեկությունը հասանելի է Դեղերի Եվրոպական գործակալության կայքում 19.03.2024 թվականի դրությամբ, հղում՝ <https://www.ema.europa.eu/en/medicines/human/EPAR/semglee>, դեղի գրանցման հավաստագրի իրավատեր՝ Biosimilar Collaborations Ireland Limited Unit 35/36 Grange Parade, Baldoyle Industrial Estate, Dublin 13 DUBLIN Ireland D13 R20R, արտադրող՝ Biosimilar Collaborations Ireland Limited Block B, The Crescent Building, Santry Demesne Dublin D09 C6X8 Ireland, գրանցման համարը՝ EU/1/18/1270):

Ներկայացված դեղի ընդհանուր բնութագիրը կցվում է:  
Տրվում է ներկայացնելու ըստ պահանջի:

Տնօրեն՝

Արայիկ Բաղդյան